

Merknadsskjema – Kommunale mål for forvaltning av hjort- Høyringsinnspel med kommentarar

Sak	Kommunale mål for forvaltning av hjort
Saksnummer	21/4182-21/33390
Utarbeidt av	Mikkel Bengtsson
Sist revidert	28.05.2021

Nr.	Avsendar	Hovudpunkt i merknad/uttale	Forslagsstillars kommentar
1	<u>Private merknader:</u> Johannes Padøy 24.05.2021 21/34671	1: Registrert stabil hjortebestand på Padøy med fjord kalvar i godt hold. 2: Ingen beiteskadar da bruket ikkje har lenger beitedyr. 3: Ønskjer eventuelt å auke fellingskvoten med 1-2 dyr, helst fjor dyr og fortrinnsvis spissbukkar. 4: Sal av løyver er ei kjærkommen inntekt på garden.	– tatt til følge. Eventuell auking i fellingskvote vil bli vurdert ved utdeling av fellingsløyve
2	<u>Private merknader:</u> Sjur Eide 11.05.2021 21/32386	1: god og langsiktig plan som støttes. 2: Det ønskes innføring av skrap dyr ordning i kommunen 3: Skrapdyr belastar ikkje kvoten, kan fritt takst ut, men må innmeldast til hjorteregisteret. Forslag til grenser for skrapdyr A: Kalv på 19kg eller lettare. Gjeld frå 10 september B: 1,5- års hodyr på 40kg eller lettare. Gjeld frå 1.september C: Spissbukk på 42kg eller lettare. Gjeld frå 1.september D: Eldre koller på 48kg eller lettare. Gjeld frå 1.september E: Eldre bukk på 55kg eller lettare. Gjeld frå 1.september Skrapdyr skal veies/avtales med representantar utnemnt av kommune.	– ikkje tatt til følge. Det er ein fornuftig ide som vert spelt inn, med fokus på belønningssystem for uttak av dyr i dårleg kondisjon. Alver kommune har allereie innført vektavhengig fellingsavgift med redusert pris på dårleg kondisjonert kalv og fjor dyr for å belønne uttak av desse. Den ønska skrapdyr ordning vil krevje mykje med administrasjon, fordi kvart skrapdyr som vert skote må vegast av kommunen eller representant for kommunen. Dette har ein ikkje ressursar til i dag.
3	<u>Private merknader:</u> Hjortevald 4631V0016 Nordangervågen c/o Martin Soltveit. 18.05.2021 21/33800	1: Viser til tidlegare innsendte dokument ang. for stor hjortebestand 2: Hjortevaldet anslår lokal hjortestamme på opp mot 300 dyr med estimert vekst på 30%. 3: Det vert vist til dei 20 år gamle avskytings prinsippa frå professor Langvatn grunna naturleg øksling på 30% får ein ingen reduksjon av bestanden utan at ta ut 40% av stammen årleg og stammen er ikkje i nedgang før avskytinga er under 70%. 4: Det vert vist til erfaringar frå melkeprodusent Anders Hopland i Fjaler som opplyser at for at få reduksjon skal minsteareal ned til det i praksis er fri	– delvis tatt til følge Ved vedtak av kommunal målsetting for forvaltning av hjort kan det setjast i gang 3 års reduksjons avskyting av hjort i hjortevaldet. Dei nye målsetjingane vil vera til hjelp for å løysa problemstillingane for dette området. Utvalt informasjon er vedlegg til saka.

		avskyting og det er behov for å tillate jakt i februar for å ta ut tilstrekkeleg antall 5: I området vert det investert 15 mill.kr i driftsbygningar for storfe i Nordanger krinsen. Det er registrert forverra skada frå i fjor på skog, gjerde og snaubeiting på eng og beite. Det vert åtvara om at sjukdom kan overførast frå hjort til storfe. Skada nivået har auka dei siste 5 år. 6: Hjortevaldet forlanger at kommunen ordnar: nye fleksible jakttider, redusert minsteareal til 200 daa, i tillegg bruk av 50 % regel, fri avskyting av små dyr, kommunen skal sjå bort frå eventuelle lovpålagte tidsfristar og bestandsmålet skal vera nivået i 1990. Reduksjons avskyting skal starta kommande sesong. 7: Kommunen bør oppmuntre til anlegg av viltåkrar i områder kor grunneigarar syns der det er for lite hjort. Landbrukskontoret har kompetanse på rådgjeving om dette. 8: Forutset at alt hjortevaldet tidlegare har sendt inn til kommunen vert lagt ved saka.	
4	<u>Private merknader:</u> Hjortevald: 4631V0036 Knut Fyllingsnes 23.05.2021 21/34723	1: Registrert auka i skada på tre/skog, vegetasjon og avling på dyrka mark forårsaka av hjort dei siste åra. 2: Generelt observert fleire dyr siste år	– tatt til følgje
5	<u>Private merknader:</u> Alversund og Seim Bondelag Leiar Otto Pletten 24.05.2021 21/34731	1: Det er ynskje om å forlenga jakta med ein månad der ein kunn tek ut kalv/årskalv. Dette har vært prøvd ut i Lærdal kommune.	– tatt til følgje Kommunen har vore i diskusjon med Miljødirektoratet om endra jakttid på hjort, men dei var negative til dette. Kommunen vil arbeida vidare med dette.

6	<u>Private merknader:</u> Styret i Lindås og Meland Sau og Geit Leiar Ørjan Jacobsen 24.05.2021 21/34735	1: Laget ønskjer ein reduksjon på tal hjort grunna belastning på grasproduserande areal. Omsynet til jordbruket skal telja mykje sterkare enn omsynet til andre interesser. 2: Tilbakemelding frå medlemmene er at belastninga på jordbruk er høgare enn på skog. Kommunen må gi løyve til å ta ut skadedyr på beite/ slåttemark. 3: I utkastet synest skade på skog å vega tyngre og utkastet påpeker ikkje i god nok grad kvifor ein reduksjon er nødvendig. Samtidig kan det sjå ut som tiltaket for å nå målet har fått større plass enn sjølve målet.	– delvis tatt til følge Kommunal målsetting for hjort føreskrive faktorar som skal oppfyllest i forvaltninga av hjort. Den beskriv fokusområda som det vil bli tatt høgde for i planlegginga av uttaket. Målet er ein sunn hjortestamme i balanse som er tilpassa lokalt leveområde og landskap. Tiltak ved stor skade t.d. på innmark vil vera reduksjon av bestanden.. Når det vert vurdert at bestanden av hjort er til hinder for økonomisk drivverdig landbruk kan ein reduksjon av bestanden iverksettast. Målsettinga vil skape betre overblikk over skadeomfanget på landbruk i kommunen.
7	<u>Private merknader:</u> Hjortevald: 4631V0033 Svein Valaker 25.05.2021 21/35091	1: Grunneigarane vurderer at det er svært viktig at få redusert hjortebestanden. 2: Det vert vist til omfattande beiteskadar på nyplanta skog, barkbeiting på skog opp til 35 års alder og på engstykke som ligg inntil skogen og eit avlingstap på 60-70%. 3: Hjortevaldet ønsker å vera med på å ta ut dei små dyra og la store koller og bukkar verta avlsdyr. Jegerane i heile kommunen må endre haldning og beskytte avlsdyra.	– tatt til følge Ved vedtak av kommunal målsetting for forvaltning av hjort vil endring i uttakets samansetning betra kvalitetssikra dei unge dyr som går inn i produksjonen og beskytte gode avlsdyr av begge kjønn. Jegerane sine haldningar i høve til selektivt uttak er avgjerande for å få dette til.
8	<u>Private merknader:</u> Rune Nielsen 24.05.2021 21/34726	1: Registrerer tydeleg auke av hjortestamme og interessekonflikt mellom jeger, grunneigar og bonde rundt Husebø/ Bratshaug. 2: Alvorleg skade av hjort på grasproduksjon, beite områder og punktering av minst 100 rundballar. 3: Skada forårsakast av ein veldig skeiv bestand hovudsakleg koller med høg del små fjor- og ungkoller. Det opplysast om skremmande låge slaktevekter. 4: Det foreslås ein halvering av den lokale hjortebestanden, å skyte ut all hjort som går på innmark og beite, og definera desse som skadedyr. 5: Viss ikkje det blir gitt skadefellingsløyve i år vil det bli retta krav om erstatning til kommunen. 6: Det vert vurdert at kunnskapen rundt hjorteforvaltning og avl er låg blant jegerar og grunneigarar. Kommunen oppfordrast til at setja opp kurs med eigne fagfolk for å heve kunnskapsnivå. 7: Ein ny avskytings plan må vera tilpassa slik at bestanden jevnar seg ut, ved å beskytta gode avlsdyr, heva vektene og redusera bestanden.	– tatt til følge Ved vedtak av kommunal målsetting for forvaltning av hjort vil endring i uttakets samansetning betra kvalitetssikra dei unge dyra som går inn i produksjonen og beskytte gode avlsdyr av begge kjønn. Endra tildeling i uttaket vil auka moglegheita for å ta ut fjor- og ung koller på bøen. Ei endring i kjønnssamansettinga i bestanden vil sende ut fleir hanndyr i utmark og fordele beitetrykket betre. Det er mest koller som beitar på innmark. Bestandsplanområdet (BPO) ønskjer å fullføre noverande avskytings plan. (1år).

9	<u>Private merknader:</u> Myking og Hundvingrend grunneigarlag Styret 24.05.2021 21/34674	1: Laget ønskjer ein reduksjon i bestanden grunna skada på grasproduserande areala. Omsynet til skade på jordbruk må telja mykje sterkare enn omsynet til andre interesser. 2: Belastninga på jordbruk har større økonomisk betydning enn på skade på skog og merkast kvart år. Inntekt på uttak i skog er grunna skogentreprenørar veldig lav. Kommunen må gje løyve til å ta ut skadedyr på beite/ slåttemark. Dyra skal vær frie dyr og kolle med kalv. 3: Reduksjon av hjortebestanden vil bety færre påkøyrslar. Krattrydding langs vei der avfallet i første omgang blir liggande kan være problematisk med omsyn til påkøyrslar. 4: Bestanden i områda er auka tross auka i uttak dei seinare år. Vårtelling indikerer det same. Laget har ikkje klare indikasjonar på vesentleg nedgang i slaktevekta. 5: Laget vil på sikt redusere bestanden som skal gjerast ved å heva uttak av hodyr. Ein må på kort sikt redusere talet på produksjonsdyr. 6: Laget støtter ikkje tiltak med vektbasert fellingsavgift grunna meir arbeid for laget. Det vil vera meir hensiktsmessig å differensiera mellom vaksne hannar, koller og ungdyr. 7: Laget er samde med at talet på hjort bør reduserast, men utkastet påpeiker ikkje i god nok grad kvifor ein reduksjon er nødvendig. Samtidig kan det virke som tiltaket for at nå målet har fått større plass enn sjølve målet.	– delvis tatt til følge Landbrukskontoret gjorde sist vinter driftsavdelinga merksam på problematikken med dårleg å gjera krattrydding langs veg på feil tidspunkt, der hogstavfallet vert liggjande att i lang tid. Driftsavdelinga har meldt dette vidare til andre vegmyndigheiter. Den vektavhengige fellingsavgifta er ein moglegheit som vert tilbydd, og ikkje noko krav. Viss laget heller vil betale full pris også på dyr med lav vekt vert dette naturlegvis akseptert. Grunneigarlaget ønsker at fullføra noverande avskytings plan. (1år) Planen reduserer ikkje nemneverdig tal koller og fjernar dermed ikkje belastninga på bøen av hodyr eller endrar kjønn samansetninga i bestanden. Eit auka i uttak vil ikkje vera ein berekraftig måte å redusera ein hjortebestand. Uttaket si samansetning har større betydning enn storleik på uttaket. Dette er hovudpoeng med dei fokusområde/tiltak som er foreslått for å nå målet om ein sunn hjortebestand i balanse med leveområde og landskap
10	<u>Private merknader:</u> Hjortevald: 4631V0081 Torgeir Andvik 24.05.2021 21/34737	1: Det vert reist kritikk fordi at planen ikkje bruker Setthjort som informasjonsgrunnlag og ønskjer ei meir tydeleg og nøyaktig beskriving av kvifor kommune vil anvende 50% regel. 2: Uansett bestandsstørrelse vil hjorten sjølvklart gjera skade på grasproduksjon eller frukt og grønt. Beiteskade omfanget skal vurderast etter belastninga på sommaren og ikkje om våren og på hausten. Beiteskade må grundig dokumenterast før kommunen kan bruke 50% regelen. Grunneigaren bør også dokumentere tiltak for at hindre beiteskade her mellom anna viltgjerde og anlegg av avlastningsareala med fôr som hjorten frekventerer i høgare grad enn den vanlege grasproduksjonen. 3: Det oppfordrast til innsending av kjevar frå skotne dyr. 4: Utan tvil vert skote både meir dyr og feil dyr i forhold til kvote i Alver kommune. Dette kan vere noko av årsaka til skeivfordelinga kjønnsmessigt i bestanden. 5: Det trengs meir informasjon om hjort i kommunen. Alver kommune bør innføra obligatorisk veking av dyr og innlevering av kjevar. Dette er eit minstekrav i ein fungerande forvaltning av hjort. 6: Det er eit ønske at kommune som forvaltningsorgan har eit nyansert bilete av tilstanden og ikkje kunn høyre på dei bøndene som skrik høgast.	– delvis tatt til følge Informasjon frå Setthjort inngår i kunnskapsgrunnlag. Utvikling og forvaltning vil ta utgangspunkt i tilgjengeleg informasjon i hjorteviltregisteret, som Setthjort er ein del av. Kommunen nyttar 50% regelen innanfor dei rammene som er sett i §7 i Forskrift om forvaltning av hjortevilt. Kommunen har planar om å utføra tannsnitts prosjekt på hjort i kommande sesong. Dessverre har ikkje kommunen lovheimel til å påleggja innsending av slaktevekt, men for dei som vil nytta seg av tilbodet med vektavhengig fellingsavgifta vil måtta senda inn slaktevekter. Kommunen har siste sesong oppfordra til innsending av slaktevekter frå uttaket og innberetninga har auka frå 34% til 48%.

